


臨沂縣志

五

地 20.257

41
1~8
部二



臨沂縣志

卷之四

序

宇宙萬象因時間之進行倏忽卽過去過去之時愈多則人類之記憶愈難志書者一邑之歷史載一邑之文獻俾垂不朽以爲後來之鑑者也余攝篆臨沂竊意此地壤錯齊魯居近聖人代有名流地多遺跡志書紀錄必燦然大備下車後延見耆老首先訪問乃知邑志自清康熙甲辰未改縣時州牧邵公修訂以來迄今逾二百年乾隆二十五年曾修府志而蘭山縣志未有成書清季黔南陳公莅任茲邑籌議編纂邑人士頗踴躍采訪已集陳公卸任去因循至今未能廣續余聞之蹙然

臨沂縣志

序

一

夫自康乾以來時代之變易人材之繼起郡縣之沿革事務之複雜紛紜變幻更僕難終不爲編紀以示來茲代遠年湮往事將歸銷滅不惟守土者之咎抑亦都人士之恥也况值共和肇建政體更新臨沂縣名規復古制非有纂述何以應文明之運爲一邑光榮乃召集紳耆開局編撰繼續前美闡揚後徽甫就緒奉檄攝篆泰安余竊憂前功之難竟也幸局紳急公好義期於有成又閱六月纂修事竣以書來問序於余竊思設縣以後宰是邑者夥矣有志於此者想不獨陳公顧不能有成者蓋案牘之勞形人事之錯迕往往掣其肘而敗乃事



也余之去沂志書甫創始耳今乃底於成非總纂王君
受夫以及在局紳耆之各盡乃職能善其後曷克至此
有志者竟成眾擎者易舉能體此意施於有政而庶績
熙矣豈獨志書爲然哉因郵寄數行以弁簡端

中華民國五年八月前知臨沂縣事南州沈兆禕序

序

中華民國五年冬余捧檄臨沂竊維志乘者爲治之譜也甫下車卽徵求其書吏以舊志進讀之知爲清康熙時州牧邵君所輯沂州志年代邈遠時勢遷移不足以資考鏡良用爲憾訪諸邑父老乃知自改縣蘭山未嘗修志逮縣名再易而紀載仍缺前令陳君笑山修而未成沈君幼沂賡續提倡設局編纂已歷十有四月今付剞劂將成書矣則大喜自幸余之治沂不至如夜行而無燭也未久司事者以工竣告而問序於余余讀之皇然曰甚哉治沂之難也今縣境在漢不止七縣後逐漸

臨沂縣志

序

三

合併至清乃定今境在古地小易治今則幅員遼濶毗連鄰嶧犬牙錯入最易藪奸此觀於疆域鄉社而知其難也男女丁口超過六十六萬生齒可謂繁衍而實業未興學校未遍謀生何計陶淑何方此觀於戶口物產教育而知其難也馬陵東峙沂沭分流盛漲時來汪洋浩瀚疏濬無策蕩析堪虞救恤弗遑况云徵斂此觀於山川而知其難也西南一隅風氣强悍草竊乘間每煩大兵絕其根株孰操勝算此觀於兵防而知其難也漢晉以來人材蔚起近古俊彥不逮前朝激勸栽培當操何術此觀於人物而知其難也自昔循良爲吾師表遠

稽史傳近載口碑躡影追風安能自信此觀於宦績而知其難也綜此諸難余滋懼矣然天下事患不知其難耳知而勉焉庶寬罪戾則此書之成謂邑父老賜我章弦可謂邑父老爲此後治沂者貽以規矩亦無不可爰抒此意冠諸簡首

中華民國六年一月知臨沂縣事奉天楊孝則序

序

縣之有志猶國之有史家之有乘固盡人而知之然不遇其人不逢其時舊聞往事或如杞宋無徵此亦嗜古者之隱憾也臨沂爲歷代州郡治所實東省一大都會在科舉時代固余舊遊地也其山則祖脈蒙頂蜿蜒自西北而來水則沂流如虹蟠繞城下此間靈秀鍾毓代有偉人若五賢祠右軍祠祠外曬書臺洗硯池集柳碑皆名賢遺迹旣時常目覩流連矣若城外諸葛里琅邪冢二疏城王元公臥冰守柰處勝地蓋難屈指數雖未必均經過訪然日與此邦士君子遊得於耳食亦不少

臨沂縣志

序

五

惜見聞多異辭未能一一筆記之耳民國三年秋余以司鐸中校得與費邑王君受夫遊受夫先世本沂人且習沂事踰歲適臨沂縣長沈君幼沂倡率邑紳編纂志書不以余不才與受夫及臨沂諸賢同任分纂已而受夫獨任總纂事因得上下議論藉匡不逮誠幸事也至民國六年一月書成同人囑爲之序夫臨沂爲漢唐舊縣歷代以來制度頻更名稱亦屢易世不知幾治亂局不知幾分合山陵岸谷不知幾更易城郭人民不知幾變遷遙遙數千載而臨沂舊名復見於今又值此文明進化一日千里賢宰官爲之董率俾二百餘年失修之

邑志得賡續以有成譎陋如余竟亦得廁名其間豈不
幸歟乃書以弁諸簡端

中華民國六年一月吉日城陽潘琛遠序

序

中華民國既成立之四年人文學校風氣日開臨沂近聖人之居進化最早而志乘闕如可爲浩嘆前清邑侯陳公笑山下車伊始注意於此取舊志觀之知爲康熙時沂州知州邵公正菴所修沂州志改縣之後強稱縣志名實不相副也急請於大吏擬重修值海疆多故軍事孔亟有志未逮及陳公復莅茲土與學官郭仲泉先生再謀修輯集款採訪已有端倪值解任去事復寢又數年民國肇建政體更新沈公幼沂來知縣事乃糾紳耆而告之曰志書國史之本也邑志之失修二百年矣

臨沂縣志

序

七

事變之來日新月異况咸同兵革事之可志者若干民國劫造事之可志者又若干不及今修輯不惟無以對陳侯將何以徵信於後代乎願諸君子留意焉眾皆唯唯因慨然曰是舉也固守土者之責亦生斯土者之責也於是籌款設局延聘耆紳協力編纂未幾沈公以調任去在局諸君進行罔懈至六年之春楊公蘭笙來宰是邑而書適成書堂老矣譚陋無似亦與分纂之列竊喜陳沈二公之志克成而吾邑舊聞不至湮沒也爰爲序以誌幸云

中華民國六年一月邑人趙書堂序

序

邑必有志而臨沂前爲蘭山則無之洪武元年始併臨沂於沂州萬厯時徐汝翼修州志康熙時邵士復修之雍正十二年升州爲府因設附郭縣仍武德之名曰蘭山後遇大憲徵邑志則取州志顏之曰蘭山縣志因陋就簡者二百年令人齒冷矣此無他汲汲於名者不暇修汲汲於利者不知修也生斯土者尚爾守土者一官傳舍更可知矣幸我石阡陳公以名進士莅茲土集貲延修爾時設席右軍祠中達三以採訪在座公囑曰邑志如國史然無志卽不可爲邑天下事似緩而實急似

臨沂縣志

序

八

迂而實切者此也吾行有日矣諸君務各盡其職薈萃成編是余所殷殷厚望者也乃我公去而新政蜩集若官若紳槩不以此爲急切未幾而府裁矣未幾而縣復名臨沂矣延擱者八年於茲事幾中止矣如天之福我佑沂沈公來詢及邑志知前稿尚散而無紀且多缺畧詳上憲指款修之時費孝廉王君景祐教習中校乃聘爲主筆擇地設局尅期蒞事達三復得濫竽其中不三月而沈公調任去同志者均體二公之意不敢怠又閱八月而脫稿付梓又五月而書成設沈公迂視之緩置之則陳公之盛意墜地臨沂將終無志矣余甚喜千百

年之勦舉得陳公倡之於前閱八年有餘又得沈公相
踵於後而始克永觀厥成也故詳其始終附於簡末
中華民國六年一月邑人吳達三序

臨沂縣志

序

九

前署臨沂縣知事沈兆禕詳報修志書文

上略

竊以風后受圖布九州之界畫夏王作貢奠四隩之山川隸外事於春官職隆掌志詔地求於土訓典重夾車備一國之憲章晉曰乘楚曰櫓杙考列邦之習尚齊有還秦有小戎凡茲紀載之周詳有補朝廷之治化成周而後大啟文明正史之餘別開體例元和郡縣之志較班固范曄而尤精太平寰宇之編合人物藝文而並錄至如赤城景定傳陳鄭之篇章乾道淳熙見周梁之述作邑志之興由來尚矣所以武功之書二卷羣推義例分明朝邑之紙廿番共託包羅鉅細欲存文獻端

臨沂縣志

詳文

一

賴編摩况臨沂星應奎婁州連青兗沂水涑水源流悉載於圖經蒙山羽山岡阜遙通其脈絡西倚抱犢之崗崩旁干霄南臨白馬之泉潺湲入聽涑洳異派灌溉攸資層艾名峯煙雲在望其形勢有如此者尚父伯禽之舊壤簡策堪稽琅邪東海之名區封疆未沫荒煙蔓草藏開陽襄賁之遺墟廢井頽垣說魯繆竇嬰之故事郡國互更於漢魏垣墉剏始於隋唐乾元以後爲州宋室之規模如在雍正之年置府清廷之建設非遙其沿革有如此者里名高子仰至德於先賢墓葬王祥著格天之純孝中邱則武侯留蹟想綸巾羽扇之風孝悌則顏

氏卜居嘉常山平原之節疏廣疏受姓名存漢代遺書
蕭齊蕭梁鍾毓在孫卿古縣以至王廷采流傳竹帛楊
太初掃蕩蓮妖信傳紀之非誣慕賢才之繼起其人物
有如此者次睢食人之社神話荒唐鄙國藉稻之謀軼
聞寥落劉紆助亂從蘭陵以搗桃城宋武行師越沂浹
以窺大峴普通寶孫之役鷄犬皆驚乾符張晏之師旌
旗忽變徐中山長驅而進遂開齊魯之襟喉吳勤惠命
將而來實以邳邳爲根據其兵事有如此者他若城池
之完固村社之森羅學校之蔚興簪纓之踵起循良之
慈惠物產之豐饒金石之留遺著述之淹雅咸宜甄錄

臨沂縣志

詳文

二

用待參稽乃自蘭山設縣之初洎民國維新之後舊志
則編殘簡斷羽陵之遺墨僅存新志則問俗采風激水
之殺青未覩值此中華肇建運會方新自維守土之官
宜輔崇文之治不昭既往曷示來茲爰集邑紳而續用
諏諮延耆宿而分司編纂考實齋之通義例取謹嚴鑑
循吉之觀簽名期允當所冀鴻編立就無須一紀十年
更希直筆同操不愧董狐南史

下略

纂修官紳職名

督修

前 蘭 山 縣 知 事 石 阡 陳 景 星

前 署 臨 沂 縣 知 事 南 昌 沈 兆 禕

現 署 臨 沂 縣 知 事 奉 天 楊 孝 則

總纂兼總校

費

人 王 景 祐

參訂

邑

人 王 思 衍

分纂

臨沂縣志

纂修官紳職名

一

莒

人 潘 琛 遠

邑

人 楊 淑 時

邑

人 翁 調 元

邑

人 趙 書 堂

邑

人 吳 達 三

邑

人 狄 建 鏊

邑

人 龐 作 梁

邑

人 狄 良

分纂兼坐辦

邑

人 吳 林 楸

督梓

邑

人 石毓琰

校對

邑

人 龐作梁

邑

人 王晉級

繪圖

邑

人 崔福蔭

采訪

吳達三 楊鳳廷 宋仲熙 王 溥 張閣梅

林小川 張瑞廷 劉秉三 楊甲桂 王善膺

臨沂縣志

纂修官紳職名

二

趙毓璋 王雪堂 楊密桂 王子敷 杜鴻勳

王光前 石鳳翥 韓書田 陳慶宣 王子中

密葆縝 徐清珊 王級庸 崔祖蔭 杜智臨

宋淑淇 夏侯先 趙鳳桐 李文輝 陳思九

傅承善 王春甲 李景新 周啟宇 侯作霖

劉銘常 李毓蕃 張樹梅 趙鏞勛 傅景舜

張汝藍 孫寶昌 李世芳 楊 恂 李家隆

楊寶山 尹光第 李景堯 周恩霈 宋金臺

刻工章邱人侯方廉

臨沂縣志目錄

卷首

輿圖

卷一

疆域 通紀

卷二

山川 古蹟

卷三

民風 物產

卷四

臨沂縣志

目錄

一

秩祀 教育 宗教

卷五

食貨 建築

卷六

登進

卷七

藩封 職官 宦績

卷八

兵防 警察 交通

卷九

人物一

卷十

人物二

卷十一

人物三

卷十二

金石 著述

卷十三

藝文

卷十四

臨沂縣志

目錄

雜志